

*Prop. 29. Impossibile est, ait, concipere aliam actualem rerum existentiam, quam eam, qua est cum relatione ad certum tempus & locum, & quam habent res in se ipsis. Ea enim, qua dicitur esse in Deo, non est rerum, sed DEi propria existentia; Nisi existentia DEi et rerum sit eadem, adeoque eadem sit etiam DEi & aliarum quarumvis rerum essentia, quò revera nos ducunt hypotheses Spinoza. Quis verò sana mentis concipiet, quomodo res adeò distincta, hoc est, qua non sunt eadem, tamen sint eadem! DEus nempe & res à DEo condita: Quis res totà suà naturà differentes concipiet ut modos divine substantia, qua in suà naturà non DEi summam & infinitam perfectionem exprimunt, sed suam finitam. Neque plus sententiæ Dippelianæ prodest, quod non tam essentiam æternam, quam radicem essentia res creatæ in DEo ab æterno habuisse dicuntur. Per radicem namque nihil aliud intelligit, quam subjectum, ex quo creaturæ prodierint, ut, licet non formæ, prima tamen materia creaturarum statuatur æterna. Verum, Canon allegatus nullo prorsus modo, creaturas ab æterno in DEo fuisse, dicit. Essentia quippe rerum sumitur vel complexè, ut existentiam unà involvat, vel præcise in se & abstractè ab existentia. Priori sensu Canon falsissimus est, per hæcenus disputata; posteriori verus quidem est, sed Adversariorum causæ nullatenus patrociniatur. Dicuntur equidem essentia rerum æternæ, minimè verò ab æterno existentes. Regulæ namque sensus non alius est, quam, quod essentia, præcise spectatæ, cum rebus necessariò ac immutabiliter connexæ sunt, sicque comparatæ, ut, salvis rebus, quarum essentia sunt, aliter se habere nequeant, quin, si essentia non sit talis, nec talis res esse possit. Ut v.g. si DEus, Angelum creaturus, ei non angelicam, sed humanam largiri essentiam vellet, non Angelum, sed hominem produçturus esset. Nam res & essentia ejus idem sunt, & rem talem produçens, produçit essentiam talis rei, & contrà. Quandoquidem ergo creaturæ non habuere ab æterno in DEo essentiam existentem; ita nec ex essentia divinà emanarunt, nec emanare potuere. Conf. GRAPPI Theol. recens Controu. Cap. 1. Qu. X. & Theol. rec. Centr. Contin. Cap. 1. Qu. 3.*

Quæ-